



## REGIONALNI CENTAR MOSTAR

**Broj: 02/6-1/III-16-D-1-9692-5/10****Mostar, 09.05.2018. godine**

Regionalni centar Mostar, Odsjek za poslovne usluge, Grupa za prisilnu naplatu, rješavajući u postupku ukidanja posebne šeme dužnika **BINAS d.d. Armije BiH 171, Bugojno**, na osnovu člana 7. Zakona o upravi za neizravno oporezivanje („Službeni glasnik BiH“ br. 89/05) te člana 30. Zakona o postupku neizravnog oporezivanja („Službeni glasnik BiH“, broj:89/05 i 100/13), kao i člana 10. Instrukcije o postupku uvođenja posebne šeme dužnika („Službeni glasnik BiH“, broj:35/08) donosi sljedeće:

**R J E Š E N J E**

- 1. UKIDA SE POSEBNA ŠEMA DUŽNIKA BINAS d.d. Armije BiH 171, Bugojno, ID broj: 4236021300002, PDV broj: 236021300002**, uvedena rješenjem Grupe za prisilnu naplatu broj: **02/6-1/III-16-D-1-9692-4/10 od 24.01.2011.godine** za dug po osnovu poreza na dodanu vrijednost u iznosu od **805.885,60 KM**, objavljena u „Službenom glasniku BiH“ broj: 19/11).
2. Rješenje o ukidanju posebne šeme se primjenjuje od dana objave u „Službenom glasniku BiH“.
3. Priziv ne odlaže izvršenje rješenja.
4. Ovo rješenje će biti objavljeno u „Službenom glasniku BiH“ i dnevnim novinama.

**O B R A Z L O Ž E N J E**

Rješenjem broj : **02/6-1/III-16-D-1- 9692-4/10 od 24.01.2011.godine** Grupe za prisilnu naplatu uvedena je posebna šema dužnika **BINAS d.d. Armije BiH 171, Bugojno**, za neizmireni dug nastao po osnovu poreza na dodanu vrijednost za porezne periode: 1011, 1010, 1007, 1005, 1002, 0910, 0908, 0907, 0810 u iznosu od **805.885,60 KM**.

Dana 15.09.2010. godine Grupa za obradu poreznih prijava Regionalnog centra Mostar dostavila je prijedlog za uvođenje posebne šeme – inicijativu za inspeksijsku kontrolu Grupi za reviziju i kontrolu Regionalnog centra Mostar za dužnika **BINAS d.d., Armije BiH 171, Bugojno**, a na osnovu člana 3. Instrukcije o postupku uvođenja posebne šeme dužnika. Analizom dugovanja poreznog obveznika – dužnika, prema pokazateljima iz PDV prijava utvrđen je veliki iznos neizmirenih obaveza koje se konstantno uvećavaju.

Dana 29.09.2010. godine Grupa za reviziju i kontrolu Regionalnog centra Mostar obratila se aktom broj: 04/5-2/III-17-D-7736/10 Sektoru za poreze kojim traži suglasnost za kontrolu obveznika.

Sektor za poreze je svojim aktom broj: 04/2-17-1-37-1984-2/10 od 08.10.2010. godine dao suglasnost za kontrolu poreznog obveznika – dužnika **BINAS d.d. Armije BiH 171, Bugojno**.

Na osnovu dobivene saglasnosti izdat je nalog za kontrolu broj: 04/5-2/III-17-D-3-685-2/10 dana 03.11.2010. godine, na osnovu kojeg je izvršena kontrola za period 01.01.2009. godine

do 31.12.2009. godine o čemu je sačinjen Zapisnik broj: 04/5-2/III-17-D-3-685-2/10 od 03.11.2010.godine, iz kojeg je Grupa za prisilnu naplatu izvela zaključak o opravdanosti uvođenja posebne šeme dužnika.

Rješenje o uvođenju posebne šeme dužnika zasnovano je na instrukciji o postupku uvođenja posebne šeme dužnika („Službeni glasnik BiH, broj:35/08) i članu 66. stav 3. Zakona o porezu na dodanu vrijednost kojim je propisana mogućnost da UINO naloži za određene registrirane porezne obveznike koji su u dugu – dužnike da se PDV na isporuke registriranim obveznicima PDV-a plati od strane primaoca isporuke.

Uvidom u službenu evidenciju u program e-Porezi utvrđeno je da dužnik **BINAS d.d. Armije BiH 171, Bugojno**, izmirio dug po osnovu poreza na dodanu vrijednost.

Kako je dug koji je bio predmet postupka prisilne naplate izmiren to je shodno članu 10. Instrukcije ( „Službeni glasnik BiH“, broj:35/08) doneseno rješenje kao izreci o ukidanju posebne šeme dužnika.

Pouka o pravnom lijeku:

Protiv ovog rješenja može se uložiti priziv prvostepenom organu u roku od 15 dana od dana prijema rješenja, neposredno ili poštom, te je oslobođeno plaćanja administrativne takse u skladu sa članom 12. Zakona o administrativnim taksama BiH („Službeni glasnik BiH“ broj 16/02, 19/02,43/04, 8/06, 24/06 i 98/12).

Dostaviti:

1. Dužniku 1 X
2. 2X 3 seta primjeraka u tri jezične varijante na dva pisma (2 seta po tri rješenja u tri jezične varijante i na dva pisma – Sektoru za poslovne usluge – Odsjek za prisilnu naplatu za objavu u “Službenom glasniku BiH” i dnevnim novinama)
3. Odsjek za poreze 1X
4. Grupa za prisilnu naplatu 1X
5. a/a

**Šef Grupe za prisilnu naplatu**

---

**Ranko Todorović, dipl.prav.**